


't Kerkje van Ellesdiek



Oecumenische bieënkoms
18 oktober 2015
"Voe oôgen"



Uutleg bie de tēkenienge.

“Voe oôgen” is het thema dat a Hannie voe oôgen eit.

Daoken luustere me nì Psalm 16 en dî worre moaie diengen in beloofd.

Litte me proberen dî nì uut te kieken.

Jopie Minnaard.

Liturgie Ellesdiek 18 oktober 2015

Thema: “Voe oôgen”

Urgelmuziek (Ko de Visser)

Welkom (Jan Minnaard)

Blommen (Janny Geldof)

(me gae stae)

Zienge

1. Den emel geef God eêr',
't uutspansel keêr op keêr,
ze spreke van Zien and.
A zei den dag gin woord,
a 't ochendlicht wee gloort,
krieg t'n een gouwe rand.
Nacht zeit et tegen nacht:
doenker ferweêle pracht,
ik zie in joe Gods glorie!
Ok zonder taal of mond
git et de wèrld rond,
't verhaal van Gods victorie.

2. God ei een tent' ebouwd
van 'elder schorteblauw
di weunt de zunnegloed.
Zò a een bruidegom
straelend nae buten komt,

blie, in z'n goeie goed,
zò a, gezond en fit,
een mèn's op reize git,
nèt eènder doet de zonne:
blienkende gi t'n op,
git onder, om - toet slot-
vanover te begunnen.

3. Gods wet die is volmikt,
die mik je vrie, verkwikt:
je ziele kom wee bie.
Gods woorden die bin goed,
en aol die a ze doet
wor as 'n kind zò blie.
Wies' eid, ei God 'ezeid,
is voe je wig 'eleid
ze za je voeten richte.
Gods woord dat is rechtuut,
en zuver Zien besluit,
je 'n oôgen zù oplichte.

Durpelgebed (Hannie Oele)

(me gae zitte)

Mie z'n vieren LB 299 (g) Kyrië en Gloria

Kyrie eleison, Christe eleison, Kyrie eleison

*Jie in joe licht, vreed' ier op aerde;
in mèn'sen van vrede krieg Jie een gezicht.
Me lache en danse en zienge joe groôt
goô'i' een 'and dankbaer' eid in je schoôt:*

*scheppend woord, jie roept – roept oans uut,
d'eêsten en lesten, 'and uut den 'emel
verlossend woord, jie die a eêl maekt,
wonder van verzoenieng, straelend van recht en trouw
jie wiest de weg, wolke, vier, klaere taal,
ziele van 't gebed, aesem op de lange duur.
Stae voe oans in, maek oans los
en ons zienge joe groat:
Jie in joe licht, vreed' ier op aerde;
in mènsen van vrede krieg jie een gezicht.*

Mie z'n vieren: LB 16a (refrein)

*Leêr oans, o Eêre
wat a de weg is nì 't leven*

Lezieng Psalm 16 (Clasien Rooze)

Mie z'n vieren LB 16a (refrein)

*Leêr oans, o Eêre
wat a de weg is nì 't leven
Halleluja, halleluja.*

Lezieng Marcus 12: 41 – 44 (Corrie de Baar)

1. Maek mien toch nieuw, o eêuwig Licht.
God, laet me voe Joen angezicht
herbore weze toet en met,
glad vol van Joe, en zonder smet.

2. God, maek van zuver licht m'n geêst
wan dat verlang ik nog het meêst,
en wa 'k mò doe of wi 'k mò gae -
mie liefde doe 'k wat a Je vraegt.

3. M'n zonne dag en nacht bin Jie.
'k Bluuf eêl m'n leven op Joe zie
toet op een dag, o eêuwig Licht,
van angezicht toet angezicht.

Overdienkieng

(Hannie Oele)

Stuitje stille weze

Mie z'n vieren

Hebreêuwse chant (muziek: Navah Tehila)

*Sjiewietie adonaj
lenegdie, lenegdie, lenegdie tamied, lenegdie
tamied
sjiewietie adonaj lenegdie tamied.*

*'k Ouwe Um oaltied voe oôgen, God, mien God,
den Eêuwigen,
oal den tied, oal den tied ouw' ik Um voe oôgen,
oal den tied,
d' Eêuwigen die è 'k voe oôgen, oal den tied.*

1. 't Woord dat a joe toet leven riep
 is noôit te oôge of te diep'
 a zou je dat meschien ok dienke.
 Neê, 't staet as teêken in je'n and,
 as glienstertj' in je'n oôg 'eplant,
 zò da je 't elken dag zie wienke.

2. Gunter an d' overkant is 't nie.
 Dienk nie: wien gaet dir om voe mien,
 wien wil t'r over 't waeter vaere?
 Wien brieng die schat an wies'eid mee
 die a d'r mênsen wel en wee -
 die a oans leven kan verklaere?

3. Ok in den 'emel vin' je 't nie –
 a was 't a j' aol nae boven zie –
 oe a j' ok nae den 'emel 'aeke.
 A was 't a j' aol de sterren leest,
 ienkel de Geêst raekt an de geêst
 ienkel dat Woord kan 't arte raeke.

4. Dat Woord van liefde, recht en vree
 kreeg j' op je'n eigen tonge mee,
 't staet in je'n eigen art 'eschreve.
 An aolle kanten oar je God:
 troast en vergevieng en 't gebod –
 vlak voe je voeten ligt et leven.

Voorbeden
 Acclamatie
 Mie z'n vieren:

(Marga van de Plasse)

*Verlangend zie me nì Z'n uut,
 meêr as wachters nì den ochend*

Oallemille: Verlangend zie me nì Z'n uut,
meêr as wachters nì den ochend

Oanze Vaoder Oanze Vaoder in den emel
Joe Naem wor 'eheiligd
Je koninkriek za komme
Je wil za geschiede
zòwel in den emel as ok op d'aerde.
Geef oans heden oans daegelijks broad
En vergeef oans oanze schulden
Zòas oans ok vergeve die oans wat schuldig bin.
En brieng oans nie in verzoekieng
mae verlos oans van et kwaeje.
Want van Joe is et koninkriek
en de kracht en de heêrlijkheid
tot in eêuwigheid. Amen.

Mie z'n vieren Lied 999 NLB

*'k Zà ik in mien uus nie weune
'k zà ik in mien bèdde nie slaepe
ik zà gin oô-oô-ge dicht doe
ik zà nie ruste, gin oôgenblik
toet a ik et zà vinde:
een plekk' om te weunen en
een plekk' om te rusten voe Um,
voe Go-od, voe d' eênige waeren.*

*'k Zà ik in mien uus nie weune
ik zà gin oô-oô-ge dicht doe
ik zà nie ruste, gin oôgenblik
ik mag verdroôge van dost
toe a 'k et 'evonden è:
daer a gin doôd is, mè leven
daer a t'r recht wor 'edae
an die a 't onderspit mô delve*

Collectes

D'n eêsten is voe Netherlands Sri Lanka en de twidden voe de onkosten van de bieënkost. In september was de opbriengst voe Netherlands Sri Lanka 177,37 euro en voe de onkosten 96,06 euro.

(me gae stae)

Zienge

Lied 863 vers 1, 2, 4 en 6 NLB

1.Lae me noe God den Ere
bedanke en Um ere
wan wat 'N oans wou geve:
't Is goed wat a me kreges.

2.Wan ziele, lief en leven
èn oans van Um 'ekreges.
Ie za ze ok bewaere
in aollerlei gevaeren.

4.Ie ei oans ok vergeve
en geeft oans zomae 't leven.
Oans kunne nie bevatte
wat a God geeft an schatten.

6.Laet oans in vol vertrouwen
an Joe riek bluve bouwe
en zò in leêr en leven
in Joe Geêst bezig weze.

Zegenbede

(me gae zitte)

Slotwoord

De bieveenkomst is binnenkort te beluisteren via

www.ellesdiek.nl onder het kopje Oecumene

Wat a t'r kommende maend in 't Kerkje te doen is

- zaterdag 24 oktober 14.30 uur 'Van toen en van noe'
Gezellige mirreg mie muziek en verhalen.
Presentatie van het boekje 'Kwa zei bure' van
Jopie en Jan Minnaard.
Toegank gratis. Reserveer gewenst.
- zondag 25 oktober 14.30 uur 'Flashback', geweldige band mie muziek uut de
jaeren 60. Toegank 8 euro.
- zaterdag 31 oktober 13.30 – 16.00 uur Leste open mirreg voe de tentoanstellige mie
werken van *Margot Bierens*.
- zondag 1 nov. 14.30 uur De 's Heerenhoekse Komedie' lit je wee lache
mie een eigen komisch stik.
De *Vertelkrienge* kom mie verhalen.
Toegank 8 euro.
- zaterdag 7 nov. Openienge van de tentoanstellige van
Anja Snelleman.
Muziek en vernissage. Toegank gratis.
- zondag 8 nov. 14.30 uur Koor 'Cantando' in afwisselieng mie klarinettiste
Evelien de Vries. Toegank 8 euro
- weusdag 11 nov. 14.30 uur Seniorenmirreg mie 50-pluskoor
de *Zilvermeeuwen* en *Jan Lauret* en *Rachel van de
Vrede* mie leuke verhalen.
Toegank 5 euro inclusief koffie en een ellesdiekje.
- zondag 15 nov. 14.30 uur Oecumenische bieënkost mie een overdienkieng
deur *Ria Keijzer-Meeuwse*.
Bert Alderliesten (urgel en fluit) en *Corella Nijse*
(cello) werke die mirreg mee.

Vrienden van 't kerkje

't Kerkje leeft van entreegeld en van de krieg.
De Vrienden van 't Kerkje spele daèrin een
belangrieke rol.
Ze onderstrepe d'r vriendschap mie een donatie van
tenminste € 15, - per jaer.

Wil je ok 't Kerkje bluvend steune, meld j'n eigen
dan an as vriend(in) van 't Kerkje en doe ok mee
voe € 15,-.
Meêr mag natuurlijk. Het is een financiële en
morele steune in de rik van de vriewilligers die a
voe 't Kerkje in de were bin.

Wien a vriend wil worre, geef even z'n adres deur,
wan de bank doet dat nie, en stort de biedraege op
de rekenienge van 't Kerkje.

Wien a vriend(in) is, krieg in elk geval eêns per
seizoen twî gratis toegangskaarten voe een
activiteit naè keuze en natuurlijk de complete
agenda. A je meêr oudt van losse contacten dan ka
je ok een flienk bedrag ineêns storte. Dat is
aftrokbaer van de belasting.

Welkom in de Vriendenschaere!
Bankrekeningnr:
NL49RABO03283 42 718